

NUNATTA ALLAGAATEQARFIA

PISORTAT ALLAGAATAAT

Allagaatit pillugit aalajangersakkat ilitsersuutillu

NUNATTA ALLAGAATEQARFIA

Manutooq 1, postboks 1090
3905 Nuussuaq
e-mail arkiv@arkiv.gl
www.nka.gl

Pisortat sullissiveqarfiisa allagaataat

Allagaatinik toqqortaateqarnermi, tunniussinermi aammalu atorunnaartitsinermi aalajangersakkat ilitsersuutillu

Allagaataasivik tassaavoq pisortaqarfimmi suliffeqarfimmiluunniit qitiusumik pingaarutilittut inisisimasoq. Allagaatinik sukumiisumik toqqortuinerup kingunerisarpaa allagaatit ukiorpassuit ingerlanerini sulisunillu taarserartunit nassaariuminartuarnisaat. Toqqortueriaatsip torersup kingunerissaavaattaaq sullivimmi imaluunniit avataaniit saaffiginnittoqarneratigut sukumiisumik piffissamillu sipaarfiusumik saaffiginnissummut suligasuarsinnaaneq akissuteqarsinnaanissarlu. Allagaataatit torersumik suliat pisortat innuttaasunut pisussaasutut sullissinermanni sakkussatut pinngitsoorsinnaanngilaat. Piffissaq ungasinnerusoq isigalugu allagaatit torersumik suliaasimanissaat pingaaruteqarpoq kingulissat oqaluttuarisaanermik paasinninnissaat eqqarsaatigalugu. Taamatuttaarlu oqaluttuarisaanermi ilisimatusarnissamut allagaatit atugassat nassaariuminarlutillu torernissaat pingarluinnarpoq.

Nunatta Allagaateqarfia

Nunatta Allagaateqarfiaata suliassaraa pisortaqarfiit ingerlatsiviusut allagaataasa pingaarnersaat tammatsaaliussallugit aammalu siunissami ilisimatusarumaartussanut atorneqarsinnaasunngortissallugit. Tamatuma saniatigut Nunatta Allagaateqarfia pisortat allagaatiminik toqqortuinissaannut siunnersuilluni iikiuussinnaavoq, taamatullu tunniussereernermeri allagaatinik aalajangersimasunik takunnissinnaanermut akuersisarpoq. Taamaattumik pisortat suliffiisa Nunatta Allagaateqarfialtu akornanni qanimut suleqatigiilluarnissaq pingaaruteqarpoq tamanullu iluaqutaasussaavoq.

Nunatta Allagaateqarfia aperiuk

Quppersakkap ilitsersuutaasup uumap siunertaraa allagaataatinik passussilluarnissamik, Nunatta Allagaateqarfianullu saaffiginninnissamut iliuusissanik assiginngitsunik aqquqtiissiuussisutut atussalluni. Allagaatit pappialasut kisiisa ilitsersuutip uani imarivai. Allagaatit elektroniskiusut immikkut ilitsersuutitaqarput. Kommunenut tunngatillugu allagaatinik toqqorseriaaseq atorunnaarsitsisarnerlu aalajangersakkaniq peqarpoq, taakku uani aaneqarsinnaapput www.nka.gl imaluunniit www.kanukoka.gl

Allagaataasiveqarnermut tunngassuteqartunik nalornissuteqalissagaanni Nunatta Allagaateqarfia attavigineqarsinnaavoq, oqarasuaatikkut 36 23 30 imaluunniit allakkatigut: Nunatta Allagaateqarfia, postboks 1090, 3900 Nuuk imaluunniit arkiv@arkiv.gl

1. SULIFFEQARFINNI ALLAGAATIT

Allagaatit suuppat?

Allagaatit tassaapput suliffeqarfinni allakkanik pingaarutilinnik suliaqarnermi pilersissimasat. Tassa imaappoq pisortanit inatsit malillugu suliassiissutit inernerri. Taamatuttaaq allaffisornermi ikuutit soorlu; tulleriaiarilluni allattugaatit (kartoteker), aqkit allattorsimaffii, ilitsersuutit aammalu pisortani nalunaarsuinermi periutsit allagaataatinut ilaatinneqassapput.

Allagaatit pappiliaannaaneq ajorput, aamma nunap assiusinnaapput, titartakkat, assit, assilillugit nuutsitat (kopit), sarsuatitassiat (filmit) mikrofilmillu. Digitalimik toqqortat, qarasaasiap iluaniippata, IT-systeminiippata imaluunniit qarasaasiat angallattakkaniippata ilaatigut soorlu USB aamma cd-rominiippata aamma allagaatitut nalilerneqartarput.

Digitalimilli toqqortat immikkut ittunik maleruagassaqarput taakkulu immikkut ilitsersuutitaqarput, 'Qarasaasiaq atorlugu toqqortuinermi ilitsersuut'.

Sulianik aqtsineq allakkanillu nalunaarsuineq

Suliffeqarfimmi angisumi allagaatinik nalunaarsuineq aqtsinerlu pingaaruteqartorujussuuvoq. Pisortaqarfiit tamarmik pisussaapput allakkanik nalunaarsuinermi aalajangersimasumik periuseqassallutik nalunaarsuinermillu ilitsersuuteqassallutik. Allakkanik nalunaarsueriaaseq tassaavoq pisortat oqartussaqarfiini akisussaaffit immikkoortiternerisa allattorsimaffiat, nalunaarsuinermilu ilitsersuut tassaalluni allakkat qaqugukkut suullu il.il. nalunaarsornissaannut malitassaq. Allakkanik nalunaarsueriaatsit qanoq ilusilorskornissaannut nalunaarsuinermillu ilitsersuutit sunik imaqlernissaat pillugit sukumiinerusumik uani takusinnaavatit 'Nalunaarsukkanik nalunaarutiginninneq akuersinerlu'.

Allakkanik nalunaarsuineq (journalisering)

Allagaataatit akornanni ujarleruminassappat pingaaruteqarpoq allakkanik nalunaarsueriaatsit ilitsersuutitaallu allanngorarpallaannginnissaat. Taamaattumik allakanik nalunaarsueriaatsit ilitsersuutillu siumut atuuttussamik aalajangeriikkamik piffissamik aalajangiussimasariaqarpoq. Piffissamik aalajangiussinissaq pisortat namminneq aalajangissavaat, Nunatta Allagaateqarfiatali innersuussutigaa allakat nalunaarsorneqartartussat ukiut tallimat iluanni allagaataassasut imaluunniit

sivisunerpaamik ukiut qulit. Nalunaarsueriaatsimi ilitsersuummilu allakanik nalunnarsuinermi ukiukkaarineq sapinggisamik annertuumik allanngueqquaanngilaq, kisianni Nunatta Allagaateqarfata pisussaasutut akuersineratigut annikitsumik allannguisoqarnissaa akuerisinnaasarpa. Qulaani taaneqartut sukumiinersusumik paasisaqarfiginerorusukkukkit immikkoortortaq 'Nalunaarutiginninneq akuersinerlu' takuuk.

Allagaatinik aaqqissueriaaseq toqqortuinerlu

Nalinginnaasuuvvoq allagaataatit pingasunut agguataassallugit:

Allakkat - sag'it suli suliarineqartut (*jurnalimut*)


Allagaatit qanittumiittut (*nærarkivimut*) - tassaapput suliat naammassineqareersut, kisiannili arlaatigut sulianut atatillugu pisariaqartinneqarsinnaasut. Taamaakkaluartoq allagaatit pisariaqartinneqarsinnaagaluarlutik suliap naammassereerneraniit ukiunik pingasunik sivisunersumik qanittumi allagaataatigineqassangillat, soorlu nammineq allaffigisami.

Allagaataatit allamut inissitat (*fjernarkivimut*), tassaasut suliat naammassisutut nalilikkat, ukiunik pingasunik pisoqaassuseqalereersimasut imaluunniit ukiut pingasut suli angunngikkaluarlugit suliamut atatillugu qaqtigut pisariaqartinneqarsinnaasartut.

Allakkat suli suliarineqartut aammalu allagaatit qanittumiittut naammasseriikkat ataatsimoortinneqarsinnaapput, kisianni allagaatit qanittumiittut allagaatillu allamut inissitat ataatsimoortinneqassangillat. Allakkat suli suliarineqartut allagaatillu qanittumiittut allaffeqarfinni nalginnerini allagaataasivinni sikaavinni parnaartartuni assigisaanillu toqqortaatigineqassapput, sapinggisamik inuinnarnit takuneqarsinnaanngitsuni. Allagaatit allamut inissitat, inini Nunatta Allagaateqarfiaita akuerisaani toqqortaatigineqassapput (sukumiisumik nassuiarneqarneri immikkoortortami 'toqqorsiveqarnermut nalunaarutiginninneq akuersinerlu'-mi takuuk).

Allagaatit Nunatta Allagaateqarfianut tunniunneqannginnerini pinngitsooratik pisariaqanngitsortaat, soorlu naqeqqitat aammalu atuakkat assigisaallu saqqummerseriikkat piliarneqarsimassapput (salinnejqarsimassapput). Allagaatit qaqugumorsuaq atajuaannarnissaat piniarlugu savimerngit (clipsit), plastikkit (plastikomslag) imaluunniit gummit (tasisuasut) piliarneqarsimassapput (Asseq 1 takuuk). Pisortat suliffeqarfia namminneq aalajangissavaat allagaatinik saliineq ataavartumik imaluunniit Nunatta Allagaateqarfianut tunniutinngilaattaani pissanersoq. Innersuutigilluinnarneqarporli ataavartumik saliisoqartarnissaa, assersuutigalugu allagaataatit naammassinikut qanittumiitit allagaataasivimmut nuunnginnerini. Allagaatit salilluarnissaat pingaaruteqarpoq pissutigalugu, inissamik sipaarnarmat, allagaatillu

torersut kingunerissavaat sukkanerusumik tunniussinnaaneri. Allagaatit allamut inissitaagallarsimasut kingusinnerusukkullu Nunatta Allagaateqarfianut tunniunneqartussat pinngitsooratik piffissami tunniunneqarfianni salereerneqarsimassapput.



Asseq 1: Allagaatit Nunatta Allagaateqarfianut tunniutsinnagit savimerngit, plastikkit, gummit assigisaallu allagaatit akornaniittut peereerneqartassapput.

Allagaatit ilisivinnut iliorarsimasuni natermut qaninnerpaat tassaasarpuit imermik arlaatigut maqisoortoqarsimappat innarlerneqartussat siullit. Taamaattumik allagaatit pingarnertut isigineqanngitsut sapinngisamik ilisivinni allerniitinneqassapput. Nunatta Allagaateqarfia pisortaqaifiit ilaannut aalajangersagaqarpoq allagaatit sorliit toqqortaatigineqassanersut sorliillu atorunnaarsinneqassanersut. Tassunga tunngatillugu allagaatit atorunnaarsinneqartussaasut ilisivinni allerniitinneqarsinnaapput.

Allagaatinut akisussaasoq

Suliffeqarfinni anginerusuni sulisoq ataaseq allagaataasivinnut allaffiup avataaniittunut akisussaasussatut toqqarneqartariaqarpoq. Akisussaasup isumagissavaa allagaatit allaffigisami naammasseriikkat allaffiup avataani allagaataasivimmut nuussorneqarneri, ataavartumik salinnissaat taavalu allagaatit allagaataasiviullu nalinginnaasumik

nakkutiginissaa. Akisussaasup aamma isumagisassarissavaa allagaatinik allaffiup avataanut inissitanik allaffisornermi pisariaqartinneqartunik aallernissaq taamatuttaarlu atoreernerini inissaannut inisseeqqinnissaq. Taamaattumik allagaatinik allaffiup avataanut inissitanik atuniaraanni allagaatinut akisussaasup isumagisassavaa, imaluunniit minnerpaamik akisussaasoq nalunaarfigalugu allagaatinik atuniaraanni. Allaffeqarfimmi allagaatinik akisussaasoq tassaavoq allaffeqarfiup Nunatta Allagaateqarfatalu akornanni allagaatit qanoq iliornissaannut attaveqaataasoq.

Nalunaarutiginninneq akuersinerlu

Allagaatinik aaqqissueriaatsinik (journalplaner) nalunaarutiginninneq akuersinerlu

Kalaallit Nunaanni pisortat sullissiveqarfii tamarmik allagaatinik aaqqissueriaatsimik peqassapput (journalplaner), allatut ittumik Nunatta Allagaateqarfia isumaqatigiissusiorfigisimannngikkaanni. Allagaatinik aaqqissueriaasissaq Nunatta Allagaateqarfianut nalunaarutigineqassaaq, aatsaallu allagaateqarfiup allakkatigut akuersippat allagaatinik aaqqissueriaasissaq atuutilersinneqarsinnaavoq.

Allagaatinik aaqqissueriaatsimi tamatigut allagaatit assigiit aallaavigalugit agguataarneqartassapput (emneopdelt). Allagaatinik aaqqissueriaatsip suliffeqarfiup imaluunniit assersuutigalugu pisortaqarfiup nalunaarsueriaaseq namminerminnut naleqquttussanngorlugu pilersissimagunikku suliffillu imaluunniit pisortaqarfik allannguuteqarpat taava nalunaarsueriaaseq naapertuukkunnaassaaq, tamannalu mianersuuttariaqarpoq. Tamatuma saniatigut allagaatinik aaqqissueriaaseq (journalplan- og arkivplan) sapinngisamik killilimmik qulequtsorsorneqassaaq, tassa qulequataq qulequataaqqallu pingasunit amerlanerunngitsut atorneqarnissaat innersuussutigineqartarput. Immikkut ittumik aatsaat pisariaqavitsillugu allagaateqarfiup akuerisinnaavaa qulequataq qulequataaqqallu pingasunit amerlanerusut atorneqarsinnaanerat.

Pingaaruteqarpoq allagaatinik aaqqissueriaatsip ersarissuullunilu paasiuminartuunissaa. Assersuutigalugu allagaatini sammisaq (emne) ataaseq ataasiinnarmik normulerneeqassaaq. Tassa tamakkuupput allagaatinik aaqqissueriaatsip akuerineqarnissaanut maluginiagassat pingaarutillit.

Pisortat sullissiveqarfiutaat annikitsuinnarmik sulianik annikitsunik tigummiaqarpat (sager) Nunatta Allagaateqarfata akuerisinnaavaa allagaatinik aaqqissueriaatsimik (journalplan) annertunerusumik periuseqanngikkaluarluni allagaatinik naliginnaasumik nalunaarsuiinnartoqarsinnaasoq (journalisering). Assersuutigalugu

ilinniartoqarfiusinnaavoq, ilinniartunut allagaatit tunngasut (elevsager) ukiut aamma inuuiit (cpr.nr.) aallavigalugit toqqortukkat. Tamatigut tunngaviusumik toqqortueriaatsimi periutsit assigiinngitsut atorneqaraluarpataluunniit siumoortumik Nunatta Allagaateqarfia isumaqatigiissuteqaqqaarfingeqartassaaq.

Allagaatinik aaqqissueriaatsip akuerineqarneranut atatillugu Nunatta Allagaateqarfiaita aamma aaqqissueriaatsip qanoq atajuartinnissa aalajangissavaa. Soorlu taaneqareersutut allagaatinik aaqqissueriaatsimi piffissat immikkoortiterlugin (jurnalperiode) aalajangiunneqartassapput, taakkulu aalajangiussat atuunnerini allagaatinik aaqqissueriaatsip tunngaviusumik aaqqissuussaanera allanngortinneqassanngilaq. Nunatta Allagaateqarfialti pisortat sullissiveqarfiisa pisariaqavitsillugu annikitsumik allannguisinnaanissaat akuerisinnaavaa. Assersuutigalugu allagaatinik aaqqissueriaatsimi kisitsisit ilaliussat (hovednummer-iunngitsut) allanngortinnissaat akuerineqarsinnaapput. Kisitsisilli toqqammaviusut (hovednumre) nutaanik taarserneqarsinnaanatillu allanngortinneqarsinnaanngillat.



Nunatta Allagaateqarfia toqqorsivia (magasin), april 2017.

Nalunaarsuinermi ilitsersuummik nalunaarutiginninneq akuersinerlu

Suliffeqarfik allagaatinik nalunaarsuinermi periusissiaqarnerup saniatigut nalunaarsuinermi ilitsersuummik (journalinstruks) pigisaqassaaq. Ilitsersuut allagaasiaavoq (dokument) suliffeqarfimmi allagaatinik nalunaarsuinermi periusissanik aallaaviusussaq. Assersuutigalugit suliffeqarfimmi kiap akisussaaffigissanerai suliad (sager) aallartillugillu matunissaat, nalunaarsukkat ukiuisa sivisussusilernissaat (journalperioder) aammalu suliad qulequtsernissaat / atsernissaat assigisaallu. Nalunaarsuinermi ilitsersuutip qanoq imaqarnissaa sukumiinerusumik takuneqarsinnaavoq Namminersorlutik Oqartussat allagaatit toqqorsivimmiiitat pillugit nalunaarutaanni § 16-im. Allagaatinik periusissiatuulli (journalplan) allagaatinik nalunaarsuinermi ilitsersuut (journalinstruksen) atuutinneqalinnginnermini Nunatta Allagaateqarfianiit akuerineqaqqaassaaq.

Toqqorsiveqarnermut nalunaarutiginninneq akuersinerlu

Allaffiup avataani init allagaatinik toqqorsivittut atorneqartut Nunatta Allagaateqarfianit akuerineqarsimasuussapput. Allagaatinik toqqorsivigineqartut parnaarsinnaassapput sabinngisamillu igalaavi tillinnianit iserfigisinnaajunnaarlugit sillimaniarfigineqassallutik. Ini toqqorsivusoq inissinneqassaaq / aaqqinnejqassaaq susassaqanngitsunit iserfigisinnaajunnaarlugu, taamatuttaarlu inip qalia iigaalu ussissuutinnejqassapput sialuk, aput uumasuaqqallu innarliisinnaasut isaasinnaajunnaartillugit. Ini isugutassanngilaq aamma erngup aqquitaanik ruujoreqassanngilaq (tamakku issimik peqquteqartumik qupernisigut imermik aniasoornermi allagaatinik innarliisinnaammata). Ini allagaataasivusoq kiassaateqarfinnut, errorsisarfiit assigisaannut imaluunniit igaffeqarfiiit qanittuanni inissismassanngilaq. Inip oqoqalinnginnissa pinngitsoortinniarlugu ini kiassagaassaaq kisianni kiassusaa pisariaqartitamit annertunerussanngilaq. Inip kiassusaa 10 aamma 30 gradit akornanniissaq. Allagaatinik ilisivinni ilisiviusoq allerpaaq natermiit minnerpaamik 20 cm-inik qaffasinnerussaaq (Asseq 2 takuuk).





Asseq 2: Allagaatit imermik innarlinnginnissaat pinngitsoortinniarlugu allagaatinik ilisivinni ilisiviusoq natermiit minnerpaamik 20 cm-inik qaffasinnerussaaq.

Allagaatit suussusiat aallaavigalugit Nunatta Allagaateqarfia toqqortaateqarnermi sukannernerusumik piumasaqaateqarsinnaavoq, soorlu inip silaannaata aquassinnaanissaanut atortorissaaruteqaqqusineq, innaallagissat aqquaannut piumasaqaatit imaluunniit sillimaniarnermut atortorissaaruteqaqqusineq, soorlu kalerrisaarutit allallu.

Isumannaallisaatit qulaani taaneqartut saniatigut Nunatta Allagaateqarfiata aamma init allagaateqarfiusussat isersimaffigiuminartuunissaat nalilissavaattaaq. Ini sivisuumik suliffiussappat tattoqiffiussanngilaq allagaatillu passunnissaannut inissaqarluarlunilu inip qaamanera silaannaatalu pitsasuunissaa pingaarpooq.

Sillimaniarneq pissutigalugu nalinginnaasuovoq init allagaateqarfigineqartut kælderinut imaluunniit qaliarpaanut inissinneqartarneri, inillu tamakku ajoraluartumik ikuallattoornissamut imermilluunniit maqisoortoqarnissaannut innarlerneqarsinnaakkajuttarput. Pisortat sullissiveqarfiutaasa kælderi imaluunniit qaliarpaaq allagaatinik toqqorsivittut atorpagu Nunatta Allagaateqarfiata

piumasaqaatigisinnaavaa sillimaniarnermut ilisimasalinnit inip ikuallannermit imermilluunniit maqisoornermik innarlersinnaanerata misissortinnissaa.

Init allaffiup avataani allagaataasivittut atukkat allatut atorneqassanngillat taamaallaat allagaataasivittut. Ini tamatigut sapinngisamik torersuullunilu eqqiluitsuutinneqassaaq.

Atorunnaartitsineq (kassation)

Allagaateqarneq pillugu Namminersorlutik Oqartussat nalunaarutaanni § 32 imaqarpoq allagaatit sorliit Nunatta Allagaateqarfianut tunniunneqannginnissaannut allattorsimaffik. Taamaattorli takuuk § 31, stk.2. Ataani assersuutit allattorsimapput suut tunniunneqassannginnersut. Allattorsimasut saniatigut tunniussassaanngitsut pilligit apeqqutissaqaraanni Nunatta Allagaateqarfia saaffigineqarsinnaavoq.

Allaffisornermut tunngasut, matumani maskiinat kiisalu pequtinut tunngatillugu suliassat Suliat nalinginnaasut, soorlu allaffimmi pisattanik, atortunik maskinenillu attartorneq / pisineq, aviisinut atuagassianut pisartagaqarneq allallu.

Allakkat katersaasimasut taamaallaat elektroniskimik (soorlu databasenut) toqqorneqareernerini atorunnaartussat

Assersuutigalugit immersugassat (blanketter) innuttaasut immersortagaat, kingornalu suliffeqarfimmi qarasaasiamut immiussuunnerisigut pisariaarussimasut.

Paasissutissat nalinginnaasut IT-miit pappiaranngorlugin anisitat

Assersuutigalugit nalunaarutit allattorsimaffii (advislister), checklistit, nutarterinermut allattorsimaffit (ajourføringsliste), il.il.

Saqqummiussat, soorlu atuagaaqqat, (brochure-t), internetimit pappiaranngortitat, suliamic ingerlatsinissamut pissutissaqalersitsinngitsut

Taaneqareersutut, saqqummiussaq (publikation) suliap ingerlanneqarnerani pingaaruteqartutut inissimasimappat allakkanut nalunaarsukkanut ilanngullugu toqqorneqassaaq. Saqqummiussat suliffeqarfip nammineerlutik saqqummersissimasaat nalinginnaasumik toqqorneqassanngillat. Eqqumaffigineqassaarli saqqummiussat tamakku, atuakkanik atorniartarfegarnermut inatsit malillugu, pisortatigoortumik tamanut saqqummersissimasat pisussaatitaaneq naapertorlugu Nunatta Atuagaateqarfianut (Grønlands Nationalbibliotek) tunniunneqassammata.

Paasissutissatut tigusat ingerlatsinissamut pissutissaqalersitsinngitsut

Assersuutigalugu pisortat suliffiutaasa allat ukiumoortumik nalunaarusiaat, nalunaarutit kaajallaasitallu, paasissutissiissutit aammalu pisortaqarfinnit allanit nalunaarutit ataavartut.

Tamakku aalajangersakkat pisortat suliffiinut tamanut allagaatinullu pappiaraasunut atuupput. Tamatuma saniatigut pisortat sullissiveqarfiinut aalajangersimasunut inassuteqaatinik aalajangersagaqarpoq, tamakkulu allagaateqarfiup nittartagaani kikkunnit tamanit takuneqarsinnaasunngorlugit ikkunneqarnikuupput. Allagaatinik atorunnaarsitsineq (kassation) taamaallaat pisinnaavoq allagaateqarneq pillugu nalunaarut, aamma allagaateqarfiup inassuteqaat malillugu, imaluunniit immikkut ittumik allakkatsigut Nunatta Allagaateqarfianit pisinnaatitaaffimmik akuerineqaraanni. Pisortat sullissiveqarfiisa allagaataat, nalunaarummi allagaateqarfiullu inassutaani eqqaaneqarsimannngitsut, kisiannili suliffeqarfiup sulisuiasa allagaatit atorunnaarsitassatut isummiussimappatigit, taava atorunnaarsitsinssamik tunngavilersukkamik Nunatta Allagaateqarfianut pisinnaassummik qinnuteqassapput.

Allagaatinik atorunnaartitsineq igitsinerlu

Allagaatit atorunnaarsitat Nunatta Allagaateqarfianut suliffeqarfinnulluunniit allanut, soorlu katersugaasivinnut assigisaannullu tunniunneqassanngilat. Atorunnaarsitat susassaqanngitsunit takuneqarsinnaajunnaarlugit aserorterneqassapput ikuallanneqarlutilluunniit. Allagaatinik ikuallaaneq nakkutigineqarluni pissaaq.

Ajornartoornermi periusissaq aamma allagaatit innarlersimasut

Iermik ikuallannikkulluunniit allagaataasivik ajoquserneqarpat Nunatta Allagaateqarfia piaarnerpaamik ilisimatinneqassaaq, taamaalilluni ajornartoornermi ikiunneq asiunaveersaartitsinerlu ingerlaannartumik aallartinneqarsinnaaniassammat.

Ini allagaataasiviusoq innarlersimappat allagaatillu pisussaaffik malillugu tunniussassat masatsersimappata, oqussimappata allatulluunniit innarlerneqarsimappata *pinngitsoorani* Nunatta Allagaateqarfia attavigineqassaaq allagaatit innarlersimasut tunniutinnginnerini qanoq periuseqarnissaq eqqarsaatigalugu. Allagaatit qanoq innarlersimatiginerat Nunatta Allagaateqarfiaa nalilersoreerpagu aatsaat allagaatit atorunnaarsinneqassanersut imaluunniit tunniunneqassanersut aalajangiunneqassaaq.

2. Poortuineq nalunaaqutsersuinerlu

Poortuineq

Allagaatit allaffiup avataanut allagaataasivimmut nuunnerini pissusissamittut poortorneqarsimassapput nalunaaqutserneqarsimassallutilu, pisariaarulluni kingusinnerusukkut poortoqqinnissaat. Tassunga tunngatillugu allagaatit poortorneqannginnerini toqqorneqannginnerinilu salinnissaat (sagsrensning) sukumiinerusumik nassuiarneqarnera siusinnerusukkut allaaserisami immikkoortumi 'Allagaatinik aaqqissueriaaseq aamma toqqortuineq' takuuk.

Allagaatit piffissaq killigititaasoq qaangerpat *atorunnaarsinneqartussat* pisarnertut poortorneqassapput erseqqissumillu nalunaaqutserneqassapput qaqugukkut atorunnaarsinneqarsinnaanersut, soorlu aappaluttumik "K"-mik nalunaaqutserlugit aammalu ukioq suna atorunnaarsinneqassanersut allanneqassaaq.

Allagaatit paaqqutaralugit toqqortaatigineqartussat najoqqutassat ataani allaqqasut malillugit poortorneqarlutilu nalunaaqutsersorneqartassapput.

Karsit allagaatinut puussat

Allagaatit Nunatta Allagaateqarfianut tunniunneqartussat allagaatinut immikkut pooritinneqartussatut sanaanut allagaatilerinerup iluani ineriariartortinneqarsimasunut poortorneqassapput. Nalunaarsuinermi allattuiffiit (protokoller) kisimik karsinut poorneqartassanngillat, kisiannili saqqaatigut nalunaaqutserneqartassapput (ataani takuuk allagaatinut nalunaaqutsersueriaaseq).

Allagaatit puussaat qullunneqarsimanngitsut tunniunneqartarput. Allagaatit puussaat ataaseq marlunnik immikkoortortaqarpoq, naqqa (bund) matualu qullutassaq. Naqqata takinerup illuatungaani saneraaniittoq patitittakkatut (klap) atorneqartarpoq, saneraanut peqinneqarsinnaalluni, taamaasilluni imarisai tigoriaannanngorneqarlutilu inisseriaannanngorneqartarput. *Allagaatinut pooq atorneqalerpat, patitittagaq saamiup tungaaniissaq.* Allagaatinut pooq ulikkaarlugu immerneqassaaq, immerpallaarneqassanngilarli.

Karsinik pisiniarneq

Allagaatit puussaat una aqqutigalugu piniarneqarsinnaapput:

*Arctic Import, Industrivej 14
Postboks 580, 3900 Nuuk
Oqarasuaat 36 36 70
e-mail: info@arcticimport.gl*

Taaguutaa

Naqqata iluatigut uuttuutaa

A4

320 x 235 x 80 mm

Mikisoq (smal folio) 365 x 235 x 50 mm

Angineq (stor folio) 380 x 250 x 80 mm

Malugiuk! Allagaatit angissusiat aallaavigalugit allagaatit puussaanik toqqaasoqartassaaq.
Naliginnaasuvorli **angissuseq A4** pisariaqartinneqarnerusarnera.

Tulleriaarlugit allattugaatit (kartoteker)

Tulleriaarlugit allattugaatit (kartoteker) imaluunniit nalunaarsuinermi allagartat (journalkort) kortitaat karsinut poorlugit tunniunneqassapput. Karsip matua qilerlugu qajannaarneqassaaq, karsi 26 cm-init takinerussanngilaq. Nalunaarsuinermi allagartat (journalkort) A4-tut angissusillit karsinut allagaatinut puussaannut poorlugit tunniunneqassapput. Tunniutinnginnerini allagartat (kort) eqqortumik tulleriaarsimanersut misisorneqassapput.

Nalunaaqutsersuineq

Nalunaarsuinermi allattuiffiit (protokoller) allagaatinut poorititat (arkivæsker) tulleriaarlugit allattugaatit (kartotekskasser) meqqilerneqassapput lim-imik nипитимик (meqqit nammineq nipputtartutaqareersut *atorneqassanngillat*), meqqit ima paasissutissanik imaqassapput:

- 1) Suliffeqarfiup aqqa, pisariaqarpallu suliffimmi immikkoortortap aqqa
- 2) Imarisai
- 3) Ukioq suna
- 4) Allakkanut tunngasut: Allakkat suliaasimasut normui (Jurnalnr.)

Nalunaaqutsiinermi assersuutit ataani takukkit:

<u>Kultur- og Undervisningsdirektoratet</u> <u>Skoleindberetninger</u> <u>1979 - 1982</u>	<u>Provsten for Grønland</u> <u>Journalsager</u> <u>J.nr. 40.6 – 40.9</u> <u>1955 – 1965</u>
<u>MANIITSOQ KOMMUNE</u> <u>Beretninger fra forsorgs og</u> <u>Børneforsorgsudvalg i bygder.</u> <u>1979 – 1980</u>	<u>Edvard Krusep Atuarfia</u> <u>Elevmapper</u> <u>A – F</u> <u>1972</u>

Allagartalersuineq

Allagaatinut puut karsiusut nalunaarsuinermilu allattuiffiit (protokoller) atuakkatut ilisivinnut ilisatuulli inissinneqassapput. Taamaattumik allagartalersuuit nalunaarsuinermi allattuiffiit saneraannut (rygsiden) imaluunniit allagaatit puuisa karsit matuata saneraanut inissinneqassapput.

Karsit


Karsi allagaatinik imalik ilisivimmut napparlugu ilineqarpat matua saamerlermiissaq naqqalu talerpimmiissalluni. Ilisivimmi napparluni inisseqqanerani allagartaliussaq takuneqarsinnaajuaannassaq (Asseq 3 ataani takuu).




Asseq 3. Allagaatit imatut poortorneqarlillu nalunaaqutserneqassapput. Assersuut Nuup Kommuneata allagaataanit tigusaq.

Nalunaarsuinermi allattuiffiit (protokoller)

Nalunaarsuinermut allattuiffiup saneraata (ryg) qulaanut allagartaliussaq inissinneqassaaq. Saneraani allagartaqareerpat sapinngisamik allagartaliussareersimasoq qallerlugu allagartaliisoqassanngilaq. Allattuiffinni saattuni allagartaliussaq saqqaanut ataanut saamiata tungaani inissinneqassaaq (Asseq 4 takuuk).



Asseq 4: Imatut nalunaarsuinermi allattuiffiit allagartalerneqassapput.
Assersuut Palaseqarfik Aasianniit tigusaq.



Asseq 5: Imatut tulleriaarlugit allattugaatit (kartotekskasser) eqqortumik allagartalerneqassapput.

Tulleriaarlugit allattugaatit (kartotekskasser)

Karsitaata matorisaata qaavatigut allagartalerneqassaaq (Asseq 5, qulaani takuuk).

Allagartaliussat ikkunneqassapput lim-i nalinginnaasoq, PVA-lim imaluunniit skolelim atorlugit.

Pappiaqqat nippunnartoqareersut atorneqassanngillat, tamakku nippunnartutaat sivisuumik atasinnaanngimmata.

3. Pisortat sullissiveqarfii Nunatta Allagaateqarfialu

Tunniussisussaatitaaneq

Nunatta Allagaateqarfiata inatsisitigut tunuliaqutarivaa Allagaateqarfeqarneq pillugu Inatsisartut inatsisaat nr. 5, 3. juni 2015-imeersoq. Allagaateqarnermi inatsimmi aalajangerneqarsimavoq pisortat sullissiveqarfii tamarmik allagaatiminnik Allagaateqarfimmut tunniussisassasut.

Siunnersuineq

Allagaatit sapingisamik innarlerneqaratik tunniunneqartarsinnaaniassammata inatsit malillugu pisortat sullissiveqarfiisa allagaatinut tunngatillugu Nunatta Allagaateqarfia siunnersortigaat.

Aalajangersimasumik allagaatinut tunngasunik apeqqutissaqartoqartillugu suliffeqarfiiit allakkatigut oqarasuaatikkulluunniit siunnersoqqullutik Nunatta Allagaateqarfianut saaffiginnissinnaapput. Saaffiginninneq aallavigalugu Nunatta Allagaateqarfianiit sulisumik suliffeqarfimmut saaffiginnittumut siunnersuiaortumik aggertoqarsinnaavoq. Suliffeqarfiiit Nuup avataani (sinerissami) inisisimasut oqarasuaatikkut videokkulluunniit siunnersorneqarsinnaapput.

Nunatta Allagaateqarfiata pisortaqarfiiit allagaataasivii nakkutigisarai, sapingisamillu akuttunngitsumik nunatsinni pisortaqarfiiit allaffeqarfiillu anginerit orniguffigisarnissaat anguniagaralugu.

4. Tunniussineq

Suliffeqarfiiit allagaatitik Nunatta Allagaateqarfianut tunniussinnaavaat allagaatit allaffissornikkut pisariaqartinneqarunnaarpata, tassa imaappoq allagaatit ukiunik 15-inik pisoqaassuseqalerpata ulluinnarnilu allaffissornikkut pisariaqartinneqarunnaarsimappata. Allatut isumaqtigisiussiorqarsimanngippat, pisortat allagaataat tunniunneqartussaatitaasut piffissaq aalajangersimasoq killigititaq naapertorlugu tunniunneqassapput.

Tunniussinermi allagaatit qulaani allaaserineqartutuut pisariaqanngitsortaa jarneqarsimassapput (Sagsrenset), poortorneqarlutik nalunaaqutserneqarsimassallutillu.

Tunniussat nalunaarsorsimaffiat

Allagaatit Nunatta Allagaateqarfianut tunniunneqartussat, tunniussat nalunaarsorsimaffiliunneqqassapput (afleveringsfortegnelse) taannalu pingasunngorlugu sananeqassaaq. Nalunaarsorsimaffik Nunatta Allagaateqarfianut tunniussinnginnermi akuerisassanngorlugu nassiunneqassaaq. Nunatta Allagaateqarfiata akuerereerpagu nalunaarsorsimaffik ataaseq akuersisimanermut upternarsaatitalerlugu utertissavaa. Tunniunneqartut nalunaarsorsimaffianni qilertat (bind), allagaatit puui (arkivæsker) karsilluuniit (kasser) tamarmik immikkut allattorneqarsimassapput.

Allagaatit tunniussat suliffeqarfimmit tunniussisumeersuunngitsunik ilaqpata arlaannilli peqquteqartumik suliffeqarfimmut tassunga nassiunneqarsimappata taava taakkua allagaatit immikkoortillugit nalunaarsorneqassapput. Tamatumani pineqarput tunniussisut allagaataat pisortat sullissiveqarfiutaaneersuuppata, inuinnaat allagaatigippatigit suliffeqarfiilluuniit allagaatigippatigit.

Tunniussinermi aningaasartuutit

Allagaatit aaqqissuunneri, poortorneqarneranni angallanneqarnerannilu aningaasartuutit suliffeqarfiup tunniussisup nammineerluni isumagissavai, takuuk allagaataateqarnermut inatsimmi § 13, stk 3. Allagaatit tunniunneqartut tigunerini aaqqissorneqarsimaneri imaluunniit allagartalersorneqarneri amigaateqarpata, suliffeqarfik tunniussisuusoq piumaffigineqarsinnaavoq Nunatta Allagaateqarfianut allagaatit tunniussat suliareqqinnejnarerinut aningaasartuutinut akiliissasoq.

5. Nunatta Allagaateqarfiani allagaataasiviit

Nunatta Allagaateqarfia pingaarnertut suliassaraa oqaluttuarisaanermi allattugaatinik siunissamut isumannaarinissaq. Taamatuttaaq Nunatta Allagaateqarfia oqartussanut allagaatinik uppernarsaataasinnaasunik (dokumentation) atuiffissatut qitiuvoq.

Allagaatinik takunnissinnaatitaanermut malittarisassat

Allagaatini inunnut paassisutissat mianernarsinnaasut pissutigalugit Nunatta Allagaateqarfiani allagaatinut toqqortaatigineqartunut takunnissinnaatitaanermut arlalinnik aalajangersagaqarpoq.

Takunnissinnaatitaanermut malittarisassat naatsumik imatut nassuaatitaqarput:

Allagaatit Nunatta Allagaateqarfianut tunniunneqarsimasut nalinginnaasumik ukiut 25-it qaangiunnerini kikkunnit tamanit takuneqarsinnaalertarput. Allagaatilli inunnut ataasiakkauut tunngassutillet mianerineqartussallu aatsaat ukiut 80-it qaangiunnerini takuneqarsinnaalertarput.

Ilisimatusaatitut allagaatinik takunnissinnaatinaanermut killissarititaasoq sioqqullugu immikkut akuerineqarluni atuisoqarsinnaavoq. Taamaattoqassatillugu immikkut ittumik pisarialimmillu paassisutissat nalinginnaasumik takuneqaqqusaanngitsut isumannaarneqassapput.

Suliffeqarfinnut tunniussisimasunut allagaataannik atukkiisarneq

Pisortat sullissiveqarfiutaat allagaatinik tunniuteriikkaminnik atorsinnaatitaapput. Nunatta Allagaateqarfia suliffeqarfik tunniussisimasoq pisariaqartitsineq naapertorlugu allaffissornikkut misissuinermi ikuussinnaavoq, taamatuttaarlu pisariaqartitsineq aallaavigalugu naqeqqitanik (kopier) tunniussisinnaalluni.

Pisortat sullissiveqarfiutaat allagaatinut tunngatillugu apeqqutissaqartoqartillugu Nunatta Allagaateqarfianut saaffiginninnissaminnut tikilluaqquusaajuaannarpuit.

Allagaateqarfik attavagineqarsinnaavoq oqarasuaat toqqaannartoq atorlugu 36 23 30 imaluunniit mail atorlugu arkiv@arkiv.gl. Aamma paasissutissanik aallertoqarsinnaavoq uani www.nka.gl, soorlu aamma una quppersagaq atuakkat tassani takuneqarsinnaasoq, Allagaataateqarnermut inatsit taavalu kommunit allagaataannik toqqrterisarneq atorunnaarsitsisarnerlu (kassation) pillugit aalajangersakkat aamma aaneqarsinnaapputtaaq.



Nunatta Allagaateqarfia, april 2017